


E motibo cu ta extende e REOI ta pa motibo di Covid-19

RdA ta extende e fecha te cu 31 di Juli pa interesadonan expresa nan interes den e refineria

ORANJESTAD (AAN): Despues cu Gobierno a anuncia cu lo cuminsa un proceso publico pa interesadonan expresa nan interes den e refineria y/of un industria alternativo, Refineria di Aruba (RdA) a inicia e pro-

Diescincio luna di prison pa homber cu a tene relacion cu mucha di 13 aña



ORANJESTAD (AAN): Diahuebs mainta e homber M. a scucha Hues confirma e exigencia di Fiscal, 15 luna di prison. Hues ta haya M. culpable di a tene relacion sexual cu un mucha muher di 13 aña.

Den sala di Corte tabata presente mayornan di e mucha, kendenan no tabata nada contento cu loke e acusado M. a haci cu nan yiu. Nan a presenta cu un abogado, kende a bisa Hues cu nan a bin pa e demanda di daño.

Hues a bisa e abogado cu dia di tratamiento di e caso a puntra e mayornan si kier haci demanda di daño y nan a bisa cu no. Esey ta haci cu no por haci demanda mas. E abogado a bisa Hues cu nan kier dji scucha e sentencia.

TENE RELACION CU MENOR DI EDAD:

Hues den su sentencia a bisa cu, mescos cu Fiscal y abogado a trece padilanti durante tratamiento di e caso, e tambe no ta haya proba cu dia 24 April 2019, e acusado M. a abusa di e mucha. Hues a declara M. liber pa e acusacion ey.

Sinembargo Hues ta haya M. culpable di a tene relacion sexual cu un mucha muher di 13 aña. Hues a miustra cu tin suficiente prueba. El a miustra riba declaracion di e mucha cu bisa cu e dia ey 11'or di mainta e tabatin relacion sexual cu M.

Ademas tin declaracion di un bon amigo di M. cu a bisa cu M. a bis'e cu tabatin relacion sexual cu e mucha. El a conta e amigo con e mucha a cuminsa sunchi e. E amigo a reacciona, pakico M. no a para e mucha. El a hala atencion di M. cu M. por ta tata di e mucha.

Tambe Hues a miustra cu tin un otro persona cu a mira M. den e cas hunto cu e mucha.

Hues a bisa cu e no tin motibo pa duda den declaracion di amigo. El a bisa cu tin declaracion di docter cu a presenta den Corte pa aclara su observacion. E docter a splica cu no tin indicacion di violacion pero si cu e mucha tabatin relacion sexual.

CASTIGO:

Hues a bisa cu ley tey pa proteha muchanan. El a remarca na M., cu si ta e mucha kier a experiencia relacion sexual, M. mester a stop e.

Hues ta haya e castigo exigencia di Fiscal na su lugar y a condena M. na 15 luna di prison kitando e tempo cu e ta sera den Prison di KIA.



ceso, di acuerdo cu normanan di transparencia, nominando un oficina di notaris pa su ehecucion.

Despues di Juni 8, 2020 e interes a cuminsa manifestar su mes caminda hopi compania, entidad y/of gruponan a cuminsa cana e proceso manera indica den e dos REOI nan.

Periodicamente RdA ta wordo informa door di e oficina di notaris riba e proceso y cantidad di interesadonan registra.

Den consideracion di e cantidad di interes ricibi pa ambos REOI-1 y REOI-2, y considerando cu notaris recien a avisa RdA cu un gran mayoria

di participantenan a manda pidi tempo adicional pa por logra finaliza tur documentacion rekeri, RdA ta tuma e decision di extende e REOI-1 y REOI-2 te cu juli 31, 2020.

E razon cu ta extende e REOI ta cu a consecuencia di COVID-19 hopi departamento, institucion financiero y/of otro companianan den diferente paisnan no ta opera na nan horario normal, y consecuentemente documentonan solicita y necesario no ta wordo procesa y/of entrega na tempo.

Consecuentemente, e 'REOI-1 & REOI-2 Public Notices' como tambe section 4.4 di e 'REOI-1 & REOI-2 Documents' a keda amienda y re-instala cu e fecha limite di entrega nobo di dia 31 di Juli 2020. Tur otro seccion di e REOI a keda mesun cos, sin ningun cambio, y ta keda vigente.

PASA OF YAMA E SPECIALISTANAN

Bo miho adres pa, RAYNOR & Wayne Dalton garage doors, motor, parts y servicio; CAME, PROTECO, ACCESSMATIC electric sliding gate openers, parts, y servicio; Ariba PEDIDO: DEVON door mats personaliza pa cas y negoshi; AMERICAN STANDARD bathroom fixtures, fittings, WEIHRAUCH rifle y pistola di aire. **Ainda tin 50% off cash & carry** ariba pvc fittings, toilet seats, air pellets, punta di hero pa cura, parts pa single hung, sliding, awning & sunset windows, 7" plastic & letters numbers & letters, bandera cu mensahe.

BENTA & SERVICIO TA SOLAMENTE Ariba AFSpraak!!!

E&E TRADING

Orario: M-F 9-12 & 3-6 / S: 9-12.

TUNASTR. # 4
PONTON • Tel: 588-2828
E: e.e.trading@gmail.com



COOPERATIVA DI AHORRO Y PRESTAMO
ARUBA

Direktiva di C.A.P.A. ta informa

16 July 2020

Entrante 1 Juli 2020 nos oficina di C.A.P.A. ta habrie pa publico riba dialuna, diamars y diarazon.

Diahuebs y Diabierna ta sera pa publico

Ta pidi tur miembro c uta desea di haci un préstamo of renoba of kier bira miembro nobo pa preferibel haci esaki vai nos sistema digital na capa@setarnet.aw of rmaduro_capa@setarnet.aw of laga bo petishon den box pafor na oficina di SEPPA, Pitastraat 102 na HATO

Aterfamente

Randolf Yroljik
Presidente